


Акафист Успению Пресвятой Богородицы

Память: 28 августа (15 августа ст. ст.)



Кондак 1.

Избранной от всех родов Божией Матери и Царице, восходящей от земли к Небесі, благоговѣйная пѣнія о пречестнѣм Твоѣм Успѣнии приносим рабѣ Твой, Богородице. Ты же, яко имущая побѣду над смѣртію, от всяких нас смертоносных бѣд свободи, да зовѣм Ти: Радуйся, Обрадованная, во Успѣнии Твоѣм нас не оставляющая.

Їкос 1.

А́нгел предста́тель по́слан бы́сть рещи́ Богоро́дице ко премі́рным
Ея́ возше́ствие и прии́ти предъя́вление к Не́й Сы́ну Ея́ и Бо́гу, свѣ́тло
о Не́й блиста́ясь и стоя́, зовы́й тако́вая: Ра́дуйся, прера́дованная
Ма́ти Царе́ва; Ра́дуйся, Небе́сная Цари́це, Ма́ти Бо́га и Го́спода Небесе́
и земли́. Ра́дуйся, предпочте́нная превели́чеством прише́ствия к Те-
бе́ Сы́на Твоего́ и Бо́га; Ра́дуйся, возвели́ченная извеще́нием Твоего́
к Сы́ну отше́ствия. Ра́дуйся, от все́х родо́в Бо́гом избра́нная; Ра́дуйся,
свято́е вмести́лище Сло́ва Бо́жия. Ра́дуйся, проро́ческаго прорече́ния
исполне́ние; Ра́дуйся, Апосто́лом пречестны́й вѣ́нче. Ра́дуйся, свя-
ти́телем украше́ние и священни́ком добро́то; Ра́дуйся, прави́телем
удобре́ние и держа́во. Ра́дуйся, Богому́дрых ѿноков возведе́ние к
Го́рнему Ца́рствию; Ра́дуйся, отверза́ющая ра́йския двѣ́ри хри-
стиа́нскому ро́ду, прі́сно Тя́ блажа́щему. Ра́дуйся, Обра́дованная, во
Успе́нии Твое́м нас не оставля́ющая.

Конда́к 2.

Ви́дяще Апосто́лов ли́к, всесі́льным манове́нием от ко́нѣц земли́ на
о́блацех предста́вших ко Пречестно́му Твоему́, Пренепоро́чная,
Успе́нию, священнонача́льницы: Дионі́сий — небе́сный тайнник,
Иерофе́й дѣ́вный и Тимофе́й с Боголе́пною че́стию священства
по́яху Бо́гу: Аллилу́иа.

Їкос 2.

Разу́мная вся́ тва́рь, старѣ́йшая чинонача́лія а́нгельская приидо́ша
со своѣ́м Царе́м, Їже во Своѣ́ живонача́льнейшия ру́це ду́шу Ма́тере
Своея́ прия́т; те́плый же ве́рою Пе́тр со слеза́ми мно́гая к Не́й изрече́,
зовы́й: Ра́дуйся, ко премі́рным, Ма́ти Творца́ ми́ру, восходя́щая;
Ра́дуйся, к пренебе́сным, простра́ннейшая небес, взѣ́млющаяся.
Ра́дуйся, четверо́ча́стное стихі́й освяти́вшая Твоѣ́м восхожде́нием;
Ра́дуйся, Небе́сных возвесели́вшая Твоѣ́м прехожде́нием. Ра́дуйся, во
Иерусали́м Го́рний прекра́сный прията́я; Ра́дуйся, в нерукотво-
ре́нныя хра́мы прера́достно вше́дшая. Ра́дуйся, Херуві́мов и Сера-
фі́мов Цари́це; Ра́дуйся, Арха́нгелов Влады́чице. Ра́дуйся, прибе́жи-

ще вѣрных и избавлѣние; Рáдуйся, достоянню Твоему́ по́мощь и защищѣние. Рáдуйся, о всѣм мѣре христиáнством к Бóгу Ходáтаице; Рáдуйся, блага́ всѣческих Всеблага́я Подáтельница. Рáдуйся, Обра́дованная, во Успѣнии Твоем нас не оставляющая.

Конда́к 3.

Си́ла Вѣшняго восхíти от Инд́ии Фому́, за нѣкое изволѣние Бóжие не прилúчуся ему́ в пречестно́е успѣние Богомáтере, и предпостáви живопрíемному Ея́ грóбу, иже, Престáвльшуюся принíк вíдети, уразумѣ вознесѣнную на Небеса́ с тѣлом и, вѣровав, о сѣм возопí: Аллилу́иа.

И́кос 3.

Имѣя в себѣ помышлѣние учени́к, я́ко Бóжиим смотрѣнием бѣ ему́ не обрестíся ко провождѣнию Богомáтере с прóчими вку́пе, обра́дован б́ыв о безсмѣртнем Ея́ Успѣнии, сiя вопия́ше к Ней: Рáдуйся, воспрíемлемая от земли́ длáньма Сы́на Твоегó; Рáдуйся, ко превѣшним возшѣдшая наслаждáтися слáвы Егó. Рáдуйся, провожда́емая от всѣх чиноначáлий áнгельских в Гóрняя; Рáдуйся, подъя́емлемая Херувíмы в Небѣсная и Наднебѣсная. Рáдуйся, в Небѣсных вратѣх от старѣйших Сíл велелѣпно пѣсньми возносíмая; Рáдуйся, от всѣх Небѣсных гра́ждан окружа́емая и блаж́имая. Рáдуйся, Не́бо земно́е, к Гóрнему селѣнию возвы́шенное; Рáдуйся, Престо́ле Госпо́день, от земли́ вознесѣнный в Цáрствие Небѣсное. Рáдуйся, предста́тельство наше и крѣпкое заступлѣние; Рáдуйся, грѣшником Спорúчнице во спасѣние. Рáдуйся, Христиáном Царíце и по Бóже Надѣждо Небѣснаго Цáрствия; Рáдуйся, Мáти Животá и по Гóсподе нам упováние жíзни вѣчныя. Рáдуйся, Обра́дованная, во Успѣнии Твоем нас не оставляющая.

Конда́к 4.

Бúрю внúтърь имѣя Аффо́ний помышлѣний невѣрных и зря́ Богоно́сными Апóстола Богомáтере Пречестно́е Тѣло всечѣстне ко грóбу несѣнное, ко опровержѣнию устремíся; внеза́пу же, егда́ со ослеплѣнием óчию рúце егó отъя́те ко одру́ прилеплѣне вíсясте, вѣрою

Мáтерь Бóжию исповéдаше, вопи́я Бóгу: Аллилу́иа.

Йкос 4.

Слѣ́шавше тайнницы и самовѣ́дцы Слóва А́нгелов, пою́щих пре-
вѣ́шними пѣ́снями при погребѣ́нии Богоприятнаго тѣ́ла Бóжия
Мáтере, и чѣ́сть подáти хотя́ще Богоугóдную, потщáшася соглáсно
пѣ́ти, глагóлюще: Рáдуйся, благовѣ́стие приѣ́мшая о прешѣ́ствии
Твоём в Гóрнее Цáрствие; Рáдуйся, от благовестѣ́вшаго Гаври́ила
приѣ́мшая рáдостнаго рай в́равие. Рáдуйся, пречестнóе херувѣ́мское
мнóжество просветѣ́вшая; Рáдуйся, преслáвное серафѣ́мское есте-
ствó возра́довавшая. Рáдуйся, от патриáрхов прообразовáнная;
Рáдуйся, от прорóков предвозвещѣ́нная. Рáдуйся, злóю дѣ́рзость Аф-
фóниеву скóро отмстѣ́вшая; Рáдуйся, исцелѣ́ние томúжде подáвшая.
Рáдуйся, обратѣ́вшая в вѣ́ру Аффóниеву невѣ́рие; Рáдуйся, вѣ́рное
тогó приѣ́мшая исповѣ́дание. Рáдуйся, возводя́щая к Небесѣ́ любóвь
и вѣ́ру к Тебѣ́ имúщих; Рáдуйся, спаса́ющая вѣ́рою íмя Твое́ призы-
ва́ющих. Рáдуйся, Обра́дованная, во Успѣ́нии Твоём нас не остав-
ля́ющая.

Конда́к 5.

Боготѣ́чныя звѣ́зды, Апóстоли святѣ́и, в поднебѣ́сней разсѣ́янии
ра́ди Евáнгелия, восхищѣ́ни бѣ́ша на óблацех, по широтѣ́ возду́шной,
ко погребѣ́нию Мáтере Госпóдни, Ю́же пѣ́ньми и пѣ́снями провож-
да́юще, с Невещѣ́ственными взыва́ху: Аллилу́иа.

Йкос 5.

Вѣ́девше Боговѣ́дцы своегó Влады́ку, в ру́це Мáтере Своея́ дýшу
приѣ́мша, и Гóспода Тогó разумѣ́вше, потщáшася священнослóвия
пѣ́снями благослóвне воспѣ́ти Ю́: Рáдуйся, Царѣ́це, над всѣ́ми
Цáрствующаго носѣ́вшая; Рáдуйся, и Самá рука́ма Егó Сынóвними
носѣ́мая. Рáдуйся, ски́птре цáрский в Христóвой десни́це; Рáдуйся, в
руцѣ́ Нóя вѣ́твь голубѣ́ицы. Рáдуйся, жѣ́зле Аарóнов, прозя́бший не-
тлѣ́ние; Рáдуйся, крѣ́не неувяда́емый, процвѣ́тший безсмѣ́ртие.
Рáдуйся, Богоотцá Давѣ́да цевни́це Богодохновѣ́нная; Рáдуйся, про-
рочества́ егó возста́вшая слóво, псалти́рю и гýсли прекра́сныя.

Рáдуйся, одушевлéнный святýни Госпóдни кивóте; Рáдуйся, в поко́й Госпóдень воскрéсший нáш животé. Рáдуйся, скíние, от Херувíмов осеняемая; Рáдуйся, Святáя святýх, от Серафíмов глагóлемая. Рáдуйся, Обрáдованная, во Успéнии Твоём нáс не оставляющая.

Конда́к 6.

Проповéдницы Богоно́снии Апóстоли, по отшéствии ко премíрным Бóжия Мáтере во óбщем седéнии обы́чныя трапéзы б́ывше и предложéние чáсти хлéба во Ёмя Госпóдне вознося́ще, внеза́пу свýше Бого-ро́дицу Царíцу, пришéдшую со светоно́сными А́нгелы, зря́ху и, мíр тём от Сы́на и Бо́га пода́вшую слýшавше, возгласíша о сём: Алли-лу́иа.

Ёкос 6.

Возсия́ нам Со́лнце правды, Христóс Бо́г от Твои́х пречíстых ложéсн, во́лею и благоразúмием проповéдания чрез Апóстолы мíр просветíи и Тя́, Богомáтерь, от ро́да и в ро́д прослáви. Тёмже и мы́ всíи ублажа́ем Тя́, вопию́ще Тíи: Рáдуйся, Присноблажéнная от всёх родóв во вéки; Рáдуйся, благоутрóбная и Мíлостивая на челове́ки. Рáдуйся, учени́ческому ли́ку обеща́ние испóлнившая; Рáдуйся, присещéнием Твои́м от Сы́на Твоего́ и Бо́га мíр томú пода́вшая. Рáдуйся, всежелáтельное святýх слáдкое зрéние; Рáдуйся, преподóбных мáтерей и дéв святýх всевеселя́щее ра́дование. Рáдуйся, прехо́дящая ра́йское селéние пра́ведных; Рáдуйся, посеща́ющая всёх во слáве небéсней сýщих. Рáдуйся, нача́ло челове́ческаго спасéния; Рáдуйся, исполне́ние всёх благíх желáния. Рáдуйся, по Бóзе, Царé цáрствующих, Богоро́дице Царíце; Рáдуйся, по Гóсподе госпóдствующих, Влады́це нáшем, Госпожé и Влады́чице. Рáдуйся, Обрáдованная, во Успéнии Твоём нáс не оставляющая.

Конда́к 7.

Хотя́щих всёх с вéрою входíти в хра́м Тво́й святýй, Богоро́дице, прíсно спаса́еши и сла́влящих Тя́ от вся́ких напáстей и бéд свобожда́еши; тёмже и благове́рным лю́дем, присноблажа́щим Тя́, побéды на сопроти́вныя да́руй и вся́ ко спасéнию прошéния нáм подава́й, о

сѣм молящимся Тебѣ и поющимъ Бѣгу: Аллилуиа.

Икос 7.

Нѣвую показá твáрь, явлься нáм, всѣхъ Творецъ Господь Тобѣю, Бого-
родице. Ты же сродное промыслѣние о насъ къ Немѣ имѣщи, чѣстне
почитающихъ пречестное Твое Успѣние, приими сицевáя Тебѣ во-
пиющихъ: Рáдуйся, Мáти Бѣгу, избáнная отъ земныхъ; Рáдуйся, пре-
вѣшшая земныхъ и Небесныхъ. Рáдуйся, Херувимовъ и Серафимовъ горѣ
превозшѣдшая; Рáдуйся, ликъ ученический ѡблакомъ ко погребѣнию
Тѣ дѣле совокупльшая. Рáдуйся, Фомѣ по погребѣнии Твоемъ силою
Бѣжиею предпоставившая изряднее; Рáдуйся, чрезъ него увѣрившая
Твое на Небо съ плѣтию преселѣние. Рáдуйся, красотѣю всѣхъ добро-
дѣтелей украшенная; Рáдуйся, краснѣйшему пáче сыновъ человѣчес-
кихъ Сынови Своемѣ сопричтенная. Рáдуйся, яко финикъ, плѣтию вос-
крѣсшею процвѣтшая; Рáдуйся, яко кедръ въ Ливанѣ небесномъ, ум-
ножившаяся. Рáдуйся, древо животá, насажденное посреде ра́я пре-
вѣшняго; Рáдуйся, ковчѣже мысленный возвышенный въ Горняя отъ
потѣпа смѣртнаго. Рáдуйся, Обрадованная, во Успѣнии Твоемъ насъ не
оставляющая.

Кондакъ 8.

Стáнно въ превѣшнихъ вѣдуще Ты, Избáнная, яко солнце, Владычи-
це, внѣтъ пренебесныхъ недомыслимыхъ красѣтъ и неизреченныхъ доб-
ротъ, умѣльно къ Сыну и Бѣгу, длáньма Его держиму, возшѣдшую и
прерáдостно преклѣньшуюся живоначáльней Его деснице, о сѣмъ не-
престáнно вопиѣмъ: Аллилуиа.

Икос 8.

Всá бѣвши горѣ, къ Небеснымъ взятá и, земныхъ не оставляющая, Бого-
мáти, рукама Сыновнима носима, въ незаходима въи́де, во ѡный градъ
всесветящий и прекрасный, Иерусалимъ вѣшний, Херувимы об-
стойма со всѣми Небесными силами, идеже слышитъ поющихъ сия:
Рáдуйся, Еяже пресвятáя душá въ вѣшнемъ всесвѣтломъ Сиѣне вселяет-
ся; Рáдуйся, Еяже и нетлѣнное тѣло таможе съ душѣю купно прослав-
ляется. Рáдуйся, вшѣдшая въ престѣльный градъ Самаго Вседержите-

ля; Рáдуйся, вознѣсшаяся в прекрáсный рáй Вѣшнѣго Насадѣтеля. Рáдуйся, пренесѣнная во градъ, основáнный от кáменей всесветѣщихъ; Рáдуйся, введенная во оградѹ, обстоѣмѹю вѣи силъ превѣшнихъ. Рáдуйся, превѣшше Небѣсъ во благолѣпѣе Бѣжие взѣтая; Рáдуйся, пáче всѣхъ невещѣственныхъ умѣвъ почтѣнная. Рáдуйся, приносящая къ Сѣну Своемѹ и Бѣгу молѣние вѣрныхъ; Рáдуйся, и Самá непрестáнно у Престѣла Сѣна Твоегѣ и Бѣга молящаяся о всѣхъ. Рáдуйся, Предстáтельница къ Бѣгу, мѣр спасающая; Рáдуйся, Застѹпнице, рѣду христѣанскому отъ Бѣга даровáнная. Рáдуйся, Обрáдовáнная, во Успѣнии Твоемъ нáс не оставляющая.

Кондáк 9.

Всѣкое естество áнгельское превозно́сит Тя, Богородице, челове́чести же рѣди всѣ Мáтерь Тя Бѣжую славимъ и почитáемъ пречестнѣе Твое Успѣние, Цари́це: Тебѣ бо рáди земнѣи Небѣснымъ совокупля́ются, согла́сно поюще́ Бѣгу: Аллилу́иа.

Ўкос 9.

Ветѣйства Боговещáнныхъ прорѣческихъ речѣний ны́не зрѣмъ о Тебѣ сбѣвшаяся, Богородице, я́ко войстину́ Бѣга плѣтию́ родила́ еси́ нáмъ. Тѣмъже та́инству словесѣ́ Бѣжия вѣрующе, вопиѣмъ: Рáдуйся, за́кона и прорѣковъ главѣзно́ совершѣнная; Рáдуйся, звездѣ́ Иáковля, Валаáмомъ пророковáнная. Рáдуйся, одрѣ́ Царѣ́ Велѣ́каго, вещáнный Соломо́номъ; Рáдуйся, руно́, орошѣ́нное Иисѹсомъ, образовáнное Геде́ономъ. Рáдуйся, Неопали́мая Купино́, законополо́жникомъ предзрѣ́мая; Рáдуйся, горѣ́ святáя, мѹжемъ желáния усмотрѣ́нная. Рáдуйся, лѣствице́ небѣсная, Иáковомъ предвѣ́димая; Рáдуйся, двѣ́ре непроходѣ́мая, Иезеки́лемъ предзрѣ́мая. Рáдуйся, со́лнце селѣ́ния Христѣ́ва, псалмопѣ́вцемъ предъя́вленное; Рáдуйся, та́инство, многообра́зне прорѣ́ки прона́речѣнное. Рáдуйся, прорѣческихъ глаго́л всѣхъ, предречѣ́нныхъ о Тебѣ́, ко́нѣцъ принѣсшая; Рáдуйся, Вѣшнѣ́го смотре́ния всѣ́ за спасѣ́ние мѣра совершѣ́вшая. Рáдуйся, Обрáдовáнная, во Успѣнии Твоемъ нáс не оставляющая.

Кондáк 10.

Спасти́ хотя́ мир, Ёже всѣхъ Господь отъ земнаго Тя рода избра́ в Мать Себѣ и, насъ ради́ бывъ человекъ, взыде, отню́ду же снѣде, къ Небесѣ отъ земли, и Тебѣ съ Собойъ возведе́ ко пребыва́нию во славе́ вѣчной и соца́рствованию съ Собойъ, конца́ не иму́щему, Тѣмъ же, ꙗко́ Богъ, слы́шитъ отъ всѣхъ: Аллилу́иа.

Ўкос 10.

Стена́ еси́ вѣрнымъ, Богородице́ Дѣво, и заступлѣние́ всѣмъ, къ Тебѣ прибѣга́ющимъ, ꙗ́ко Небесѣ и земли́ Творецъ, отъ Тебѣ плоти́ю прошѣдъ, Пречѣ́стая, ду́хом и тѣломъ в Небѣ́сная Тя пресели́, ко ближайшему́ предста́тельству о всѣхъ, ихъ же пригла́шати научи́: Ра́дуйся, гра́де Царя́ Вели́каго верху́ горы́ Небѣ́сныя; Ра́дуйся, стено́ и покрове́, не крѣ́пящийся отъ на́шего притека́ния. Ра́дуйся, вѣрнымъ на враги́ по́собо́ствующая; Ра́дуйся, на́ше́ствия ага́рянская побежда́ющая. Ра́дуйся, вѣры́ благочестѣ́выя недви́жимое сохра́нение; Ра́дуйся, ерети́ческихъ полко́въ разоре́ние. Ра́дуйся, ра́дость и умире́ние миру́ су́щая; Ра́дуйся, всегуби́тельнаго а́да попра́вшая. Ра́дуйся, во́инству́ющих на плоть́ целомудри́ем изря́дное венча́ние; Ра́дуйся, мучени́ческихъ по́двиговъ всечестно́е прославлѣ́ние. Ра́дуйся, преподо́бныхъ трудо́мъ Хода́таице́ блаже́ннаго упоко́ения; Ра́дуйся, ино́комъ благоскорба́ющимъ Подате́льнице́ вѣчнаго ра́дования. Ра́дуйся, Обра́дованная, во Успѣ́нии Твое́мъ насъ не оста́вляющая.

Конда́к 11.

Пѣ́ние вся́кое Богоду́хновенныхъ пѣ́сней не довлѣ́етъ отъ насъ ко похвалѣ́ всечестна́го Успѣ́ния Твоего́, Всехва́льная Влады́чице, Цари́це Богородице́, но усер́дно Тебѣ́ прино́симъ, ꙗко́ Матери́ Царя́ всѣхъ, смире́нное моле́ние на́ше, съ Небѣ́сными чѣ́нми пою́ще Еди́ному досто́йно прославля́ющему Тя́ Бо́гу: Аллилу́иа.

Ўкос 11.

Свето́приѣ́мная свеща́ ѱ́стиннаго Свѣ́та су́щимъ на́мъ на земли́ ꙗ́вльши́ся, ду́ши просвещ́аеши и чту́щихъ Твое́ всечестно́е предста́вление къ ра́зуму́ Божѣ́ственному наста́вляеши, да поѣ́мъ Ти́ сицев́ая: Ра́дуйся, свещ́е́ неугаси́мая огня́ невещ́ественнаго; Ра́дуйся, заре́ незаходи́мая

Свѣта невечѣрнаго. Рáдуйся, луно́, от Со́лнца прáвды облистава́емая; Рáдуйся, свѣтлосте, во тьмѣ свѣтя́щая. Рáдуйся, свѣти́льниче, на свѣщнице превы́шнем поста́вленный; Рáдуйся, исто́чниче жи́зни, из грóба во свѣт изведѣ́нный. Рáдуйся, Мáти Свѣта у́мнаго, благоче- стíвых ду́ши просвѣща́ющаго; Рáдуйся, Мáти всѣх Бо́га, озло́блен- ных ду́ши утеша́ющаго. Рáдуйся, упова́ющим на Тя животá конѣц не- посты́дный дáрующая; Рáдуйся, достоя́ние Бо́жиим и Свои́м рабо́м на Судѣ Сы́на Твоего́ одесну́ю Его́ устроя́ющая. Рáдуйся, Пребла- жénная, я́ко Тобо́ю блажéни есмь и мы́, иже Помо́щницу Тя има́мы; Рáдуйся, Преблагословénная в рód и рód, я́ко Господь с Тобо́ю, и То- бо́ю с нами. Рáдуйся, Обра́дованная, во Успéнии Твое́м нас не остав- ля́ющая.

Конда́к 12.

Благода́ть высокопресто́льные сла́вы, на небесѣх дарова́нную Бого- ма́тери, почтénной седéнием одесну́ю Сы́на Ея́ и Бо́га ви́дяще го́рнии умы́, подъя́ша Ю́ Престо́ли и Си́лы, окружи́ша Нача́ла и Вла́сти, припадо́ша стра́шнии Херувими́, Серафими́ и Господства́, со Арха́нгелы и А́нгелы вопи́юще: Аллилу́иа.

И́кос 12.

Пою́ще всечестно́е Твое́ Успéние, восхваля́ем вси́ ко пренебéсным возше́ствие Твое́, Цари́це Богома́ти. Ты́ же освяти́, просла́ви и спаси́ всѣх, любóвию пою́щих Тебе́: Рáдуйся, очисти́вшая зéмлю пречи́сты- ми но́г Твои́х стопа́ми; Рáдуйся, освяти́вшая возду́х восхожде́нием Твои́м к Небеси́. Рáдуйся, на Небесный крúг возступи́вшая; Рáдуйся, вся́ добрóты неизречénныя зря́щая. Рáдуйся, во сла́ве приседя́щая престо́лу Сы́на Твоего́ и Бо́га; Рáдуйся, с Сы́ном и Бо́гом вéчно ца́рствующая. Рáдуйся, красото́ в десни́це Господней, украша́ющая блажа́щих Тя всѣх Небесных; Рáдуйся, обра́дованная наде́янием на Тя всѣх земных. Рáдуйся, облечénная в со́лнце, сия́ющая благода́тию и сла́вою все́й вселénней; Рáдуйся, обеща́вшая сохра́нати и спаса́ти призыва́ющих Тя всѣх в поднебесней. Рáдуйся, от христиáнских ро- до́в Мáти Бо́жия почита́емая и Богороди́ца именúемая; Рáдуйся, от востóк со́лнца до за́пад пресла́вно и правосла́вно от всѣх благоче-

стѣвыхъ сла́вимая. Ра́дуйся, Обра́дованная, во Успѣнии Твоѣмъ насъ не оставляющая.

Конда́к 13.

О Всепѣтая Ма́ти Безсме́ртнаго Царя́ Небесе́ и земли́, Христа́ Бо́га нашего, живу́щая и по сме́рти, ны́нешняя приноше́ния о всечестно́м Твоѣмъ Успѣнии от насъ приѣмши, в жи́зни сей и в сме́ртнемъ успѣнии нашемъ от вся́кия напа́сти, бе́д и му́ки изба́ви и Небе́снаго Ца́рствія насъ, Цари́це, сподо́би, о Тебе́ вопи́ющихъ: Аллилу́иа.

Этот кондак читается трижды, затѣмъ икос 1 и кондак 1.

И́кос 1.

А́нгелъ предста́тель по́слан бы́сть рещи́ Богоро́дице ко премы́рнымъ Ея́ возше́ствие и прии́ти предъявле́ние к Ней́ Сы́ну Ея́ и Бо́гу, свѣтло о Ней́ блиста́ясь и стоя́, зовы́й такова́я: Ра́дуйся, прера́дованная Ма́ти Царе́ва; Ра́дуйся, Небе́сная Цари́це, Ма́ти Бо́га и Го́спода Небесе́ и земли́. Ра́дуйся, предпochtѣнная превелі́чествомъ прише́ствия к Тебе́ Сы́на Твоего́ и Бо́га; Ра́дуйся, возвели́ченная извеще́ниемъ Твоего́ к Сы́ну отше́ствия. Ра́дуйся, от все́хъ родо́въ Бо́гомъ избра́нная; Ра́дуйся, свято́е вмесѣ́лище Сло́ва Бо́жія. Ра́дуйся, проро́ческаго прорече́ния исполне́ние; Ра́дуйся, Апóстоломъ пречестны́й вѣнче. Ра́дуйся, святы́телемъ украше́ние и священни́комъ добро́то; Ра́дуйся, праві́телемъ удо́брение и держа́во. Ра́дуйся, Богому́дыхъ ино́ковъ возведе́ние к Го́рнему Ца́рствію; Ра́дуйся, отверза́ющая ра́йскія двѣри христіа́нскому ро́ду, прісно́ Тя блажа́щему. Ра́дуйся, Обра́дованная, во Успѣнии Твоѣмъ насъ не оставляющая.

Конда́к 1.

Изра́нной от все́хъ родо́въ Бо́жіей Ма́тери и Цари́це, восходя́щей от земли́ к Небеси́, благоговѣ́йная пѣ́ния о пречестно́мъ Твоѣмъ Успѣнии прино́симъ раба́ Твой, Богоро́дице. Ты́ же, я́ко иму́щая побѣ́ду надъ сме́ртію, от вся́кихъ насъ смертоно́сныхъ бе́дъ свободи́, да зове́мъ Ти́: Ра́дуйся, Обра́дованная, во Успѣнии Твоѣмъ насъ не оставляющая.

Моли́тва на Успѣние Пресвято́й Богороди́цы

О Пресвята́я Богороди́це Дѣво, Влады́чице, вѣ́шшая А́нгел и Арха́нгел и все́я тва́ри Честне́йшая, а́нгельское вели́кое удивле́ние, проро́ческая вы́сокая про́поведь, апо́стольская пресла́вная похвало́, святы́телей изря́дное украше́ние, му́чеников крѣ́пкое утвержде́ние, и́ноков спаси́тельное наставле́ние, по́стников неизнемога́ющее воздержáние, дѣвствующих чистото́ и сла́во, ма́терей тѣ́хое весѣ́лие, младе́нцев му́дросте и наказáние, вдови́ц и си́рых Корми́тельница, наги́х оде́яние, боля́щих здра́вие, плѣнников избавле́ние, по мо́рю пла́вающих тишино́, обурева́емых небу́рное пристáнище, блужда́ющих нетру́дная Настáвнице, путеше́ствующих лёгкое прохожде́ние, тружда́ющихся благо́е по́коище, в беда́х су́щих ско́рая Засту́пнице, оби́димых Покро́ве и прибѣ́жище, ненаде́ющихся наде́яние, тре́бующих Помо́щнице, печа́льных при́сное утешѣ́ние, ненави́димых любóвное смире́ние, грѣ́шников спасѣ́ние и к Бо́гу при́своѣние, правове́рных все́х твёрдое огражде́ние, непобеди́мое помо́жение и заступле́ние! Тобо́ю на́м, Влады́чице, Невиди́мый ви́дим бы́сть, и Тебе́ мо́льбу прино́сим, Госпоже́, грѣ́шнии раба́ Твой: О Премы́лостивая и Пречу́дная Све́та у́мнаго Цари́це, ро́ждшая Царя́ Христа́, Бо́га на́шего, Живода́вца все́х, от небѣ́сных сла́вимая и от земны́х хвали́мая, а́нгельский у́ме, светоза́рная звездó, святы́х Пресвяте́йшая, Влады́чице все́х тва́рей, Боголе́пная Девы́це, Нескве́рная Невѣ́сто, пала́то Ду́ха Пресвята́го, о́гненный Престо́ле Невидима́го Царя́, небѣ́сный киво́те, носи́ло Сло́ва Бо́жия, огнеобра́зная колесни́це, по́коище Жива́го Бо́га, неизрече́нное составле́ние плóти Христóвы, гнездó Орла́ Небѣ́снаго, Го́рлице Богоглас́ная, Голуби́це кро́ткая, тѣ́хая и незло́бивая, Ма́ти чадолюби́вая, мило́стей бѣ́здно, разверга́ющая ту́чу гнѣ́ва Бо́жия, неизмери́мая глуби́но, неизрече́нная та́йно, несве́домое чу́до, нерукотворѣ́нная Це́ркве Еди́наго Царя́ все́х вѣ́к, благоухáнное кади́ло, честна́я багря́нице, Боготка́нная порфи́ро, душе́вный раю́, живонóснаго са́да о́трасле, цвѣ́те прекра́сный, процвѣ́тший на́м небѣ́сное весѣ́лие, грóзде спасѣ́ния на́шего, ча́ше Царя́ Небѣ́снаго, в нейже раство́рися от Ду́ха Свята́го вино́ неисчерпа́емая благода́ти, Хода́таице зако́на, зача́ло и́стинныя вѣ́ры Христóвы непоколеби́мый сто́лпе, мечу́ я́рости Бо́жия на богопроти́вных, бесóв

устрашение, во бранех побеждение, христиан всех неложная Хранительнице и мира всего известное спасение! О Всемилостивая Госпоже, Дево Владычице, Богородице, услыши нас, молящихся Тебе, и яви милость Твою на людех Твоих, моли Сына Своего избавитися нам от всякаго зла и сохрани обитель нашу и всяку обитель, и град, и страну верных, и люди, благочестно прибегающие и призывающие имя Твое святое, от всякия напасти, губительства, глада, труса, потопы, огня, меча, нашествия иноплемеников и междоусобных браней, от всякия болезни и всякаго обстояния, да ни ранами, ни прещением, ни мором, ни всяким праведным гневом Божиим умалются рабы Твои. Но соблюдай и спасай милостию Своею, Госпоже, за ны молящихся, и полезное благорастворение воздуха во времени плоднago приношения нам даруй. Облегчи, возстави и помилуй, Премилостивая Владычице, Богородице препетая, во всякой беде и нужде сущия. Помяни рабы Твоя и не презри слез и воздыхания нашего, и обнови нас благостию Своея милости, да со благодарением утешаемся, обретше Тя Помощницу. Умилосердися, Госпоже Пречистая, на немощных люди Твоя, Надежда наша. Разсѣянных собери, заблудших на путь правый настави, отпавших от благочестивыя отеческия веры паки возврати, старость поддержи, юныя вразуми, младенцы воспитай и прослави славящая Тя, изряднее же — Церковь Сына Твоего соблюди и сохрани в долготу дней. О Милостивая и Премилостивая Царице Небес и земли, Богородице Приснодево! Ходатайством Твоим помилуй страну нашу и войнство ея и вся православныя христиане, сохраняючи их под кровом милости Твоея, ризою Твоею честною защити и моли из Тебе воплощагося без семени Христа, Бога нашего, да препояшет ны свыше силою на вся видимыя и невидимыя враги наша. Спаси же и помилуй, Госпоже, Великаго Господина и Отца нашего (имя), Святейшего Патриарха Московскаго и всея Руси, преосвященные митрополиты, архиепископы и епископы православныя, иереи же и диаконы и весь причет церковный, и весь монашеский чин, и вся правочестныя люди, поклоняющиеся и молящиеся пред честною Твоею иконою. Призри на всех нас призрением милостиваго Твоего заступления, воздвигни нас из глубины греховныя и просвети очи сердечныя ко

зрѣнію спасѣнія, мѣлостива нѣм бѹди здѣ и на Стрѣшнем Судѣ Сына Твоегѡ о нѣс умоли, престѣвльшиися во благочѣстїи от житїя сегѡ рабѣ Твоя в вѣчной жїзни со Ангелы и Архангелы и со всемі свя- тѣми причтї, да одеснѹю Сына Твоегѡ Бѡга предстанут, и молїтвою Твоею сподѡби всѣ православныя христиѣны со Христом жїти и рѣдѡсти ѡнгельскїя в Небѣсных селѣніих наслаждѣтисѣ. Тѣ бо есї, Господжѣ, слѣва Небѣсных и упѡванїе земных, Тѣ нѣша Надѣжда и Застѹпница всѣх притекаѹщих к Тебѣ и Твоеѣ святѣя пѡмощи про- сѣщих. Тѣ Молѣбница нѣша тѣплая к Сыну Твоемѹ и Бѡгу нѣшему. Твоя Мѣтерняя молїтва мнѡго мѡжет на умоленїе Владѣки, и Твоим предстѣтельством ко Престѡлу благодѣти Пресвятѣх и Живо- творѣщих Егѡ Тѣин приступѣти дерзѣем, ѡще и недостѡйнии. Тѣмже всечестный ѡбраз Твоѣй и рукою Твоею держимаго Вседержїтеля вїдяще на икѡне, рѣдуемсѣ, грѣшнии, со умилѣніем припадающе, и любѡвию сѣй целѹем, чающе, Господжѣ, Твоими святѣми Бого- приятными молїтвами дойтї Небѣсныя безконѣчныя жїзни и непо- стѣдно стѣти в дѣнь сѹдный одеснѹю Сына Твоегѡ и Бѡга нѣшего, слѣвѣще Егѡ кѹпно со Безначѣльным Отцѣм и Пресвятѣм, Благїм, Животворящим и Единосѹщным Дѹхом, во вѣки веков. Амїнь.


Каноны Успению Пресвятой Богородицы

Припев: Пресвятѣя Богорѡдице, спасї нѣс.

Глас 1.

Пѣснь 1.

Ирмос: Преукрашенная
Божѣственнойю слѣвою,
священная и слѣвная, Дѣво,
пѣмѣть Твоя всѣ собрѣ к
весѣлию вѣрныя, /начинающей



Мари́аме, с ли́ки и тимпа́ны, Твоему́ пою́щия Единоро́дному: сла́вно
я́ко просла́вился.

Да провожда́ют невеще́ственным чино́ве небоше́ственное в Сио́н
Боже́ственное те́ло Твое́, внеза́пу же стéкшеся апо́стол мно́жество от
ко́нecь, Богоро́дице, Тебе́ предста́ша а́бие, с ни́миже, Чи́стая, Твою́
честну́ю, Де́во, па́мьять сла́вим.

Побе́дныя по́чести взяла́ еси́ на естество́, Чи́стая, Бо́га ро́ждши,
оба́че же, подóбьшися Творцу́ Твоему́ и Сы́ну, па́че естества́
повину́ешися есте́ственным зако́ном. Те́мже уме́рши, с Сы́ном
воста́еши, ве́чнуюющи.

Ин. Гла́с 4.

Ирмо́с: Отве́рзу уста́ моя́, и напо́лнятся Ду́ха, и сло́во отры́гну
Цари́це Ма́тери, и явлю́ся, све́тло торже́ству́я, и воспою́, ра́дуясь, То́я
успе́ние.

Де́вы отрокови́цы, с Мариаміею проро́чицею пе́снь исхо́дную ны́не
воскли́кните: Де́ва бо и еди́на Богома́ти ко при́ятию Небе́сному
преставля́ется.

Досто́йно, я́ко одушевле́нное Тя Не́бо, при́яша Небе́сная, Пречи́стая,
Боже́ственная селéния, и предста́, све́тло укра́шена, я́ко Невéста,
Всенепо́рочная, Царю́ и Бо́гу.

Пе́снь 3.

Ирмо́с: Содо́тельная и содержи́тельная все́х Бо́жия Му́дросте и Си́ло,
непрекло́нну, недви́жиму Цéрковь утверди́, Христé, еди́н бо еси́
Свя́т, во святы́х почи́ваяй.

Жену́ Тя ме́ртвенну, но па́че естества́ и Ма́терь Бо́жию ви́девши,
Всенепо́рочная, сла́внии апо́столи ужа́сно прикаса́хуся рука́ми
сла́вою облиста́ющей, я́ко богоприятное Селéние ви́дяще.

Пості́же ру́це досади́тельныя дѣрзаго, усече́нием су́д нанесе́, Бо́гу сохрани́шу че́сть одушевле́нному Киво́ту, сла́вою Божества́, в Не́мже Сло́во плоть бы́сть.

Ин.

Ирмо́с: Твоя́ песносло́вцы, Богоро́дице, живы́й и незави́стный Исто́чнице, ли́к себѣ совоку́пльшия, духо́вно утверди́, в Божѣ́ственной па́мяти Твое́й венце́в сла́вы сподо́би.

От ме́ртвых чре́сл произведе́шися, естество́м подобна́, Чи́стая, исхожде́ние разреши́, ро́ждши же су́щую Жі́знь, к Жі́зни преста́вися Божѣ́ственной и Ипоста́сней.

Ли́к Богосло́вов от конѣ́ц, свѣ́ше же А́нгел мно́жества к Сио́ну идя́ху всеси́льным манове́нием, достодо́льно, Влады́чице, Твоему́ погребе́нию служа́ще.

Ипако́й, гла́с 8:

Блажи́м Тя́, вси́ ро́ди, Богоро́дице Де́во, в Тя́ бо Невместы́мый Христос́ Бо́г на́ш вмести́тся благово́ли. Блаже́ни есмы́ и мы́, предста́тельство Тя́ иму́ще: де́нь бо и но́щь мо́лишися о на́с и ро́ди христиа́нстии Твои́ми моли́твами утвержда́ются. Те́м, воспева́юще, вопие́м Ти́: ра́дуйся, Благода́тная, Господь с Тобо́ю.

Пѣснь 4.

Ирмо́с: Рѣ́чи проро́ков и гада́ния воплоще́ние прояви́ша от Де́вы Твое́, Христѣ́: сия́ние блиста́ния Твоего́ во свѣ́т язы́ков изы́дет, и возгласи́т Тебе́ бе́здна с весе́лием: си́ле Твое́й Сла́ва, Человеколю́бче.

Ви́дите, лю́дие, и чуде́тесе: Го́ра бо свята́я и я́вственная Бо́гу в Небе́сныя оби́тели превѣ́шше взѣмлетсѧ, Не́бо земно́е в Небе́сное и нетле́нное селе́ние вселя́емо.

Жі́зни присносу́щныя и лу́чшия сме́рть Твоя́ бы́сть прехожде́ние,

Чистая, от привременных к Божественной воистинну и
непреходимей представляя Тя, Чистая, в веселии Сына зрети Твоего и
Господа.

Взяшася двѣри Небесныя, и Ангели воспѣша, и пріят Христос
дѣвства Своея Матере сосуд; Херувими подъяша Тя с веселием,
Серафими же славят, радующеся.

Ин.

Ирмос: Незслѣдный Божій Совѣт, еже от Дѣвы воплощения Тебѣ,
Вышняго, пророкъ Аввакум усмотрѣя, зовѣше: Слава силе Твоей,
Господи.

Чудо бѣше зрети Небо всѣх Царя одушевленное, испражнения
преходящее земная, яко чудна дела Твоя! Слава силе Твоей, Господи.

Аще и непостижный Сея Плод, Имже небеса быша, погребѣние пріят
волю, яко мертв; како погребѣния отвержется неискусобратно
Рождающая?

В представлении Твоем, Мати Божия, пространнейшее тѣло Твое и
богопріятное ангельская воинства священными крѣпы трепетом и
радостью покрываху.

Пѣснь 5.

Ирмос: Божию и неизреченную доброту добродѣтелей Твоих,
Христѣ, исповѣм: от Присносущнаго бо Славы Соприсносущное и
Ипостасное возсиявый Сіяніе, из дѣвственных утробы сущим во
тьмѣ и сѣни воплощся, возсиял еси Сѣлнце.

Яко на облаце, Дѣво, апостольскій лик носимъ, к Сиону от концѣ
служити Тебѣ, Облаку легкому, собираешся: от Неяже Вышний Бог
сущим во тьмѣ и сѣни Праведное возсия Сѣлнце.

Трубъ богопріятнии языцы богословных мужей благогласнейше

Богорóдице вопияху, исходную возглашающе пёснь Дúхом: радуйся, нетлénный Истóчнице Бóжия живоначáльного и спасительнаго всём воплощёния.

Ин.

Ирмóс: Ужасóшася всяческая о честнём успéнии Твоём: Ты́ бо, Неискусобра́чная Дéво, от земли́ престáвилася еси́ к вéчным обителем и к безконéчной жízни, всём, воспева́ющим Тя, спасéние подава́ющая.

Да возгласят трубы́ богослóвов днёсь, язы́к же многовещáнный челове́ческий ны́не да восхва́лит, да огласит же возду́х, безме́рным сия́я свéтом, А́нгели да пою́т Пречи́стыя Дéвы успéние.

Сосúд подобáше избáнный, пéнием Тí весь удивляе́мь, Девíце, исходен, весь освящён Бóгови, всём богоприятен, и сéй йстинно являе́мый, Богорóдице Всепéтая.

Пёснь 6.

Ирмóс: Морский пучинорóдный кíтов внúтренний óгнь – триднёвнаго Твоегó погребéния проображéние, егóже Ио́на проро́к показáся. Спасён бо, я́ко и предпослáся, невреждён, вопия́ше: пожру́ Ти со гла́сом хвалéния, Гóсподи.

Даёт Тебé я́же Превы́ше естества́ Цáрь всéх Бóг: в рождествé бо Дéву я́коже сохрани́, та́ко во грóбе тéло соблюде́ нетлénно и прослáви Божéственным преставлéнием, чéсть Тебé, я́ко Сын Мáтери, дáруя.

Войи́стинну Тя, я́ко свéтел свéщник невест́ественнаго Свéта, кади́льницу златúю Божéственного У́гля, во Свята́я святы́х всели́, рúчку и жéзл, скрижа́ль богопи́санную, ковчéг святы́й, трапéзу Сло́ва жízни, Дéво, Рождество́ Твое́.

Ин.

Ирмóс: Божéственное сиé и всечестно́е соверша́юще прáзднество,

Богомудрии, Богоматере, приидите, руками восплещим, от Нея рождшагося Бóга сла́вим.

Из Тебé Жíзнъ возсия, ключí дéвства не рушívши; кáко úбо пречíстое и живоначáльное Твоé тéло искушéния смéрти бýсть причáстно?

Жíзни бýвши храм, жíзнъ присносúщную улучíла есí: смéртию бо к животу́ премину́ла есí, Я́же Жíзнъ рóждши воипостáсную.

Конда́к, глас 2:

В моли́твах Неусыпа́ющую Богоро́дицу и в предста́тельствах непрелóжное упова́ние грóб и умерщвлéние не удержа́ста: я́коже бо Животá Мáтерь к животу́ преста́ви во утрóбу Всели́выйся приснодéвственную.

И́кос:

Оградí моя́ помышлéния, Христé мой, íбо Стéну мíра воспéти дерзáю, Чíстую Мáтерь Твою́, на столпé глаго́л укрепí мя и в тяжких мýслех заступí мя, Ты́ бо взывáющим и прося́щим вéрою молéния исполня́еши. Ты́ мнé úбо дáруй язы́к принóсен и по́мысл непосты́ден: всякое бо да́ние сия́ния от Тебé низпосыла́ется, Светопода́телю, во утрóбу всели́выйся приснодéвственную.

Пéснь 7.

Ирмо́с: Безстúдней я́рости же и огню́ Божéственное желáние сопротивля́ясь, óгнь úбо ороша́ше, я́рости же смея́шеся, богодохновéнною словéсною преподо́бных тривещáнною цевни́цею противовеща́я мусикíйским орга́ном посреди́ пла́мене: препросла́вленный отцéв и наш Бóже, благословéн есí.

Богодéланныя скрижа́ли Моисéй, пи́санныя Божéственным Дúхом, я́ростию сокрушí, но сего́ Влады́ка Рóждшую невреждéнну в Небéсныя сохрáнь до́мы ны́не вну́тръ всели́. С Нею игра́юще, вопиéм Христú: препросла́вленный отцéв и наш Бóже, благословéн есí.

В кимва́лех – усты́ чы́стыми, мусики́йски же – се́рдцем све́тлым, доброгласно́ю трубо́ю – вы́сокою мы́слию, Де́вы и Чы́стыя в на́рочитый избра́нный де́нь преста́вления, де́тельными плéщуще рука́ми, вопи́ем: препросла́вленный отце́в и на́ш Бо́же, благослове́н еси́.

Богому́дрии, собери́тесь, лю́дие: Бо́жия бо сла́вы Селе́ние от Сио́на преста́вляется к Небе́сному жили́щу, иде́же глас чы́ст пра́зднующих, глас несказа́ннаго ра́дования, и в весе́лии вопи́ющих Христу́: препросла́вленный отце́в и на́ш Бо́же, благослове́н еси́.

Ин.

Ирмо́с: Не послужи́ша тва́ри Богому́дрии, /па́че Созда́вшего, но, о́гненное преще́ние му́жески попра́вше, ра́довахуся, пою́ще: препе́тый отце́в Госпо́дь и Бо́г, благослове́н еси́.

Ю́ноши и де́вы, Де́выя же и Богома́тере па́мь чту́ще, ста́рцы, и мона́си, ца́рие и суди́и, по́йте: оте́ц на́ших Го́споди и Бо́же, благослове́н еси́.

Да востру́бят трубо́ю духо́вною го́ры Небе́сныя, да ра́дуются хо́лми, и да игра́ют Божество́ннии апо́столи: Цари́ца к Сы́ну преста́вляется, с Ни́м ца́рствующи.

Всесвяще́нное преста́вление Божество́нныя Твоея́ и Нетле́нныя Ма́тере премы́рныя Вы́шних си́л совокупы́ чы́ны, весели́тся с су́щими на земли́, Тебе́ пою́щими: Бо́же, благослове́н еси́.

Песнь 8.

Ирмо́с: Пла́мень, ороша́ющ преподо́бныя, злочесты́выя же по́паляющ, А́нгел Бо́жий всемо́щный показа́ отроко́м, живонача́льный же исто́чник соде́ла Богоро́дицу, тлю́ сме́рти и живо́т точа́щу пою́щим: Соде́теля еди́наго по́йм, изба́влении, и превозно́сим во вся ве́ки.

Глаголы последоваху Божественному Ковчегу священному все множество Богословов в Сионе: камо идеши ныне, Скиние, – зовуще, – Бога Живаго? Не престаи призираючи верою поющим: Содетеля единого поим, избавлении, и превозносим во вся веки.

Якоже, воздевши рuce, исходиши, Всенепорочная, рuce, имиже Бога носила еси плоть, со дерзновением, яко Мати, рекла еси к Рожденному: яже Ми дал еси, во веки сохрани, вопиущия Тебе: Содетеля единого поем, избавлении, и превозносим во вся веки.

Ин.

Ирмос: Отроки благочестивыя в пещи Рождество Богородичо спасло есть, тогда убо образуемое, ныне же действуемое, вселенную всю воздвизает пети Тебе: Господа пойте, дела, и превозносите Его во вся веки.

Память Твою, Чистая Дево, Начала же, и Власти, и Силы, Ангели, Архангели, Престоли, Господства, Херувими славят и страшнии Серафими; человеческий же род – поем и превозносим во вся веки.

Иже странно вселившийся, Богородице, в чистое чрево Твое, воплощаемь, Сей, всесвященный дух Твой прием, у Себе упокои, яко должник Сын. Темже Тя поем, Дево, и превозносим во вся веки.

О, выше ума чудес Приснодевы же и Богоматере! Во гроб бо всельшися, показай рай. Ему же предстояще днесь, радующеся, поем: Господа пойте, дела, и превозносите Его во вся веки.

Песнь 9.

Ирмос: Побеждаются естества устavy в Тебе, Дево Чистая: девствует бо рождество и живот предобручает смерть; по рождестве Дева и по смерти жива, спасаеши присно, Богородице, наследие Твое.

Припев: Ангели, успение Пречистыя видевше, удивившася, како

Дева́я восхо́дит от земли́ на Не́бо.

Дивля́хуся А́нгельския́ си́лы, в Си́оне смотря́юще свое́го Влады́ку, же́нскую ду́шу рука́ми нося́щаго, пречи́сто бо Ро́ждшей сыноле́пно провозглаша́ше: гряди́, Чи́стая, с Сы́ном и Бо́гом просла́влена бу́ди.

Опрята́ лик апо́стольский богоприя́тное те́ло Твое́, со стра́хом зря́ще и гла́сом ве́лиим веща́юще: в Небе́сныя до́мы к Сы́ну восходя́щи, спаса́еши при́сно, Богоро́дице, насле́дие Твое́.

Ин.

Ирмо́с: Вся́к земноро́дный да взыгра́ется, Ду́хом просвеща́емь, /да торже́ству́ет же Безплóтных умóв естество́, почита́ющее свяще́нное преста́вление Богома́тере, и да вопи́ет: /ра́дуйся, Всеблаже́нная Богоро́дице, Чи́стая Присноде́во.

Прииди́те в Сио́н, на Божество́нную и ту́чную Го́ру жива́го Бо́га, возра́дуемся, Богоро́дицу зря́ще: к зело́ бо лу́чшей и Божество́нной се́ни, я́ко Ма́терь, Си́ю во Свята́я святы́х Христо́с преста́ви.

Прииди́те, ве́рнии, ко грóбу присту́пим Бо́жия Ма́тере и обы́мем, серде́цы и устна́ми, очесы́ и лице́м чи́сто прикаса́ющесе и почерпа́юще исцелéний незави́стныя да́ры от исто́чника присно́теку́щаго.

Приими́ от нас пе́снь исхо́дную, Ма́ти жива́го Бо́га, и светонóсную Твое́ю и Божество́нною осе́нй благода́тию, во́инству – победи́тельная, христолю́бным лю́дем – ми́р, оста́вление пою́щим и душа́м спасéние пода́ющи.

Свети́лен.

Апо́столи, от коне́ц совоку́плшесе́ здé, в Гефсимани́йстей ве́си погребите́ те́ло Моё́, и Ты́, Сы́не и Бо́же Мо́й, приими́ ду́х Мо́й.



Канон второй успения Пресвятыя Владычицы, глас 4.

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тоя успение.

Девы отроковицы, с Мариамиею пророчицею песнь исходную ныне воскликните: Дева бо и едина Богомати ко приятию Небесному прествляется.

Достойно, яко одушевленное Тя Небо, прияша Небесная, Пречистая, Божественная селения, и предста, светло украшена, яко Невеста, Всенепорочная, Царю и Богу.

Песнь 3

Ирмос: *Твоя песнословцы, Богородице, живой и независтный Источниче, лик себе совокупльшия, духовно утверди, в Божественней памяти Твоей венцев славы сподоби.*

От мертвых чресл произведшися, естеством подобна, Чистая, исхождение разреши, рождши же сущую Жизнь, к Жизни преставися Божественней и Ипостасней.

Лик Богословов от конец, свыше же Ангел множества к Сиону идяху всесильным мановением, достодолжно, Владычице, Твоему погребению служаще.

Седален

Блажим Тя, вси роди, Богородице Дево, в Тя бо Невместимый Христос Бог наш вместилися благоволи. Блажени есмы и мы, предстательство Тя имуще: день бо и ночь молишися о нас и роди христианстии Твоими молитвами утверждаются. Тем, воспевающе, вопием Ти: радуйся, Благодатная, Господь с Тобою.

Песнь 4

Ирмос: *Неизследный Божий Совет, еже от Девы воплощения Тебе, Вышняго, пророк Аввакум усмотряя, зовяше: слава силе Твоей, Господи.*

Чудо быше зрети Небо всех Царя одушевленное, испражнения преходящее земная, яко чудна дела Твоя! Слава силе Твоей, Господи.

Аще и непостижный Сея Плод, Имже небеса быша, погребение прият волею, яко мертв; како погребения отвержется неискусобратно Рождшая?

В преставлении Твоем, Мати Божия, пространнейшее тело Твое и богоприятное ангельская воинства священными крылы трепетом и радостию покрываху.

Песнь 5

Ирмос: *Ужасошася всяческая о честнем успении Твоем: Ты бо, Неискусобратная Дево, от земли преставилася еси к вечным обителем и к безконечней жизни, всем, воспевающим Тя, спасение подавающая.*

Да возгласят трубы богословов днесь, язык же многовещанный человеческий ныне да восхвалит, да огласит же воздух, безмерным сияя светом, Ангели да поют Пречистыя Девы успение.

Сосуд подобаше избранный, пением Ти весь удивляемь, Девице, исходен, весь освящен Богови, всем богоприятен, и сей истинно являемый, Богородице Всепетая.

Песнь 6

***Ирмос:** Божественное сие и всечестное совершающе празднество, Богомудрии, Богоматере, приидите, руками восплещим, от Нея рождшагося Бога славим.*

Из Тебе Жизнь возсия, ключи девства не рушивши; како убо пречистое и живоначалное Твое тело искушения смерти бысть причастно?

Жизни бывши храм, жизнь присносущную улучила еси: смертию бо к животу преминула еси, Яже Жизнь рождши воипостасную.

Кондак, глас 2

В молитвах Неусыпающую Богородицу и в предстательствах непреложное упование гроб и умерщвление не удержаста: якоже бо Живота Матерь к животу престаи во утробу Вселивыйся приснодевственную.

Икос

Огради моя помышления, Христе мой, ибо Стену мира воспети дерзаю, Чистую Матерь Твою, на столпе глагол укрепи мя и в тяжких мыслех заступи мя, Ты бо взывающим и просящим верою моления исполняеши. Ты мне убо даруй язык приносен и помысл непостыден: всякое бо даяние сияния от Тебе низпосылается, Светоподателю, во утробу вселивыйся приснодевственную.

Песнь 7

***Ирмос:** Не послужиша твари Богомудрии, паче Создавшего, но, огненное прещение мужески поправше, радовахуся, поюще: препетый отцев Господь и Бог, благословен еси.*

Юноши и девы, Девыя же и Богоматере память чтуще, старцы, и монаси, царие и судии, пойте: отец наших Господи и Боже, благословен еси.

Да вострубят трубою духовною горы Небесныя, да радуются холми, и да играют Божественнии апостоли: Царица к Сыну преставляется, с Ним царствующи.

Всесвященное преставление Божественныя Твоея и Нетленныя Матере премирныя Вышних сил совокупи чины, веселитися с сущими на земли, Тебе поющими: Боже, благословен еси.

Песнь 8

Ирмос: *Отроки благочестивыя в пещи Рождество Богородичо спасло есть, тогда убо образуемое, ныне же действуемое, вселенную всю воздвизает пети Тебе: Господа пойте, дела, и превозносите Его во вся веки.*

Память Твою, Чистая Дево, Начала же, и Власти, и Силы, Ангели, Архангели, Престоли, Господства, Херувими славят и страшнии Серафими; человеческий же род — поем и превозносим во вся веки.

Иже странно вселивыйся, Богородице, в чистое чрево Твое, воплощаемъ, Сей, всесвященный дух Твой прием, у Себе упокои, яко должник Сын. Темже Тя поем, Дево, и превозносим во вся веки.

О, выше ума чудес Приснодевы же и Богоматере! Во гроб бо всельшися, показа рай. Емуже предстояще днесъ, радующеся, поем: Господа пойте, дела, и превозносите Его во вся веки.

Песнь 9

Ирмос: *Всяк земнородный да взыграется, Духом просвещаемъ, да торжествует же Безплотных умов естество, почитающее священное преставление Богоматере, и да вопиет: радуйся, Всеблаженная Богородице, Чистая Приснодево.*

Приидите в Сион, на Божественную и тучную Гору живаго Бога, возрадуемся, Богородицу зряще: к зело бо лучшей и Божественней сени, яко Мать, Сию во Святая святых Христос престави.

Приидите, вернии, ко гробу приступим Божия Матере и обымем, сердца и устнами, очесы и лицом чисто прикасающиеся и почерпающе исцелений независтных дары от источника приснотекущаго.

Приими от нас песнь исходную, Мати живаго Бога, и светоносною Твоею и Божественною осени благодатию, воинству — победительная, христолюбным людям — мир, оставление — поющим и душам спасение подающи.

Светилен

Апостолы, от конец совокупльшися zde, в Гефсиманийстей веси погребите тело Мое, и Ты, Сыне и Боже Мой, приими дух Мой.
(Трижды)

